

大佛頂首楞嚴經 卷九

㊂一色界分三

王七 就世禪增進而明
色空天趣

㊂一總出其因

阿難！世間一切所修心人，不假禪那。無有智慧，但能執身不行婬欲，若行若坐。想念俱無。

㊂二別明其相分四

㊂一明初禪

愛染不生。無留欲界，是人應念身爲梵侶。如是一類，名梵衆天。

欲習既除，離欲心現。於諸律儀愛樂隨順。是人應時能行

梵德。如是一類，名梵輔天。

身心妙圓，威儀不缺。清淨禁戒，加以明悟。是人應時能統梵衆，爲大梵王。如是一類，名大梵天。

阿難！此三勝流，一切苦惱所不能逼。雖非正修真三摩地，清淨心中諸漏不動。名爲初禪。

◎二明二禪

阿難！其次梵天，統攝梵人，圓滿梵行。澄心不動，寂湛生光。如是一類，名少光天。

光光相然，照耀無盡；映十方界，徧成瑠璃。如是一類，名無量光天。

吸持圓光，成就教體。發化清淨，應用無盡。如是一類，名光音天。

阿難！此三勝流，一切憂懸所不能逼。雖非正修真三摩地，清淨心中粗漏已伏。名爲二禪。

◎二明二禪

阿難！如是天人。圓光成音，披音露妙。發成精行，通寂滅樂。如是一類，名少淨天。

淨空現前，引發無際；身心輕安，成寂滅樂。如是一類，名無量淨天。

世界身心。一切圓淨，淨德成就，勝託現前，歸寂滅樂。如是一類，名偏淨天。

阿難！此三勝流，具大隨順。身心安隱。得無量樂。雖非正得真三摩地，安隱心中。歡喜畢具。名爲三禪。

◎四明四禪分

⑤一明凡夫四天

阿難！復次天人，不逼身心，苦因已盡。樂非常住。久必壞生。苦樂二心。俱時頓捨。粗重相減。淨福性生。如是一類，名福生天。

捨心圓融，勝解清淨。福無遮中。得妙隨順，窮未來際。如是一類，名福愛天。

阿難！從是天中。有一岐路。若於先心無量淨光，福德圓明，修證而住。如是一類，名廣果天。

若於先心雙厭苦樂，精研捨心，相續不斷。圓窮捨道，身心俱滅。心慮灰凝，經五百劫。是人既以生滅爲因，不能發明不生滅性。初半劫滅，後半劫生。如是一類，名無想天。

阿難！此四勝流，一切世間諸苦樂境所不能動。雖非無爲眞不動地，有所得心。功用純熟。名爲四禪。

⑥二明不還五天

阿難！此中復有五不還天。於下界中九品習氣，俱時滅盡。苦樂雙忘，下無卜居。故於捨心衆同分中。安立居處。

阿難！苦樂兩滅，門心不交。如是一類，名無煩天。

機括獨行，研交無地。如是一類，名無熱天。

十方世界，妙見圓澄，更無塵象。一切沈垢。如是一類，名善見天。

精見現前，陶鑄無礙。如是一類，名善現天。

究竟群幾，窮色性性，入無邊際。如是一類，名色究竟天。

○

阿難！此不還天，彼諸四禪四位天王。獨有欽聞，不能知見。如今世間曠野深山。聖道場地，皆阿羅漢所住持故，世間麤人所不能見。

⑨二總結其名

阿難！是十八天，獨行無交，未盡形累。自此已還，名爲色界。

⑩二無色界分五

①一簡去迴心不入

復次，阿難！從是有頂色邊際中，其間復有二種歧路：若於捨心發明智慧，慧光圓通。便出塵界，成阿羅漢。入菩薩乘。如是一類，名爲迴心大阿羅漢。

②一別明四空天相

若在捨心，捨厭成就，覺身爲礙，銷礙入空，如是一類，名爲空處。

諸礙既銷，無礙無滅；其中唯留阿賴耶識。全於末那半分微細；如是一類，名爲識處。

空色既亡，識心都滅，十方寂然，迴無攸往；如是一類，名無所有處。

識性不動，以滅窮研，於無盡中發宣盡性；如存不存，若盡非盡。如是一類，名爲非想非非想處。

③二更判凡聖二類

此等窮空，不盡空理，從不還天聖道窮者；如是一類，名不迴心鈍阿羅漢。

若從無想諸外道天窮空不歸，迷漏無聞，便入輪轉。

④ 四總辨王民不同

阿難！是諸天上各各天人，則是凡夫業果酬答，答盡入輪。彼之天王，即是菩薩，遊三摩提，漸次增進，迴向聖倫所修行路。

⑤ 五結成無色名目

阿難！是四空天，身心滅盡，定性現前，無業果色。從此逮終，名無色界。

⑥ 二總結虛妄

此皆不了妙覺明心，積妄發生。妄有三界，中間妄隨七趣沈溺。補特伽羅各從其類。

⑦ 七示脩羅趣

王八 就欲界雜報而明
阿修羅趣

復次，阿難！是三界中，復有四種阿修羅類：若於鬼道，以護法力乘通入空，此阿修羅從卵而生，鬼趣所攝。若於天中降德貶墜，其所卜居鄰於日月，此阿修羅從胎而出，人趣所攝。有修羅王，執持世界，力洞無畏，能與梵王及天帝釋四天爭權，此阿修羅因變化有，天趣所攝。

阿難！別有一分下劣修羅，生大海心，沈水穴口，旦遊虛空，暮歸水宿，此阿修羅因濕氣有，畜生趣攝。

⑧ 二結示勸修分

戊一 結明虛妄勸除

⑨ 一結示迷妄分

⑩ 一結成妄果本空

阿難！如是地獄、餓鬼、畜生、人及神仙，天洎修羅，精研七趣，皆是昏沈諸有爲相。妄想受生，妄想隨業。於妙

圓明無作本心，皆如空華，元無所著；但一虛妄，更無根緒。

㊂二重示妄因顛倒

阿難！此等衆生不識本心。受此輪迴，經無量劫不得眞淨，皆由隨順殺盜淫故。反此三種，又則出生無殺盜淫。有名鬼倫。無名天趣，有無相傾。起輪迴性。

⑦二舉悟勸修分

㊂一正舉悟境

若得妙發三摩提者。則妙常寂，有無二無。無二亦滅。尙無不殺不偷不淫，云何更隨殺盜淫事？

㊂二結勸真修

阿難！不斷三業，各各有私，因名各私，衆私同分。非無

定處。自妄發生，生妄無因，無可尋究。汝勗修行，欲得菩提，要除三惑。不盡三惑，縱得神通，皆是世間有爲功用。習氣不滅，落於魔道。雖欲除妄，倍加虛僞。如來說爲可哀憐者。汝妄自造，非菩提咎。作是說者，名爲正說；若他說者，即魔王說。』

⑧六借無聞比丘爲語端而備明五陰魔

境分

丁一 辨五陰魔境以匡扶第二漸次分

戊一 哀無聞深誠魔事須識勿迷主人而隙覲覺分

己一 佛慈緣起

㊂ 一 正明禪境分二

① 一 結前世後

即時如來將罷法座，於師子牀攬七寶几，迴紫金山再來凭倚，普告大眾及阿難言：

『汝等有學緣覺聲聞，今日迴心趣大菩提無上妙覺。吾今已說真修行法，汝猶未識修奢摩他。毗婆舍那微細魔事。魔境現前，汝不能識。洗心非正，落於邪見。或汝陰魔，或復天魔，或著鬼神，或遭魑魅。心中不明，認賊爲子。又復於中得少爲足，如第四禪無聞比丘。妄言證聖，天報已畢。衰相現前，謗阿羅漢身遭後有，墮阿鼻獄。汝應諦聽！吾今爲汝子細分別。』

① 二 時衆行誨

阿難起立，並其會中同有學者，歡喜頂禮，伏聽慈誨。

① 二 總別開示分三

己二 魔妄根由

㊂ 一 總明魔事之由分二

② 一 正明魔動因由

佛告阿難及諸大眾：『汝等當知！有漏世界十二類生。本覺妙明覺圓心體，與十方佛無二無別。由汝妄想迷理爲咎，癡愛發生。生發偏迷，故有空性；化迷不息，有世界生。則此十方微塵國土，非無漏者，皆是迷頑妄想安立。當知虛空生汝心內，猶如片雲點太清裏。況諸世界在虛空耶？汝等一人發眞歸元，此十方空悉皆銷殞。云何空中所有國土而不振裂？汝輩修禪飾三摩地，十方菩薩及諸無漏大

阿羅漢，心精通滬，當處湛然。一切魔王及與鬼神諸凡夫天，見其宮殿無故崩裂，大地振坼。水陸飛騰，無不驚惶。凡夫昏暗，不覺遷訛。彼等咸得五種神通——唯除漏盡，戀此塵勞。如何令汝摧裂其處？是故鬼神及諸天魔，魍魎妖精，於三昧時念來惱汝。

◎二勸誠迷悟得失分

○一勸悟則成得

然彼諸魔雖有大怒，彼塵勞內。汝妙覺中，如風吹光。如刀斷水，了不相觸。汝如沸湯。彼如堅冰，煖氣漸鄰。不日銷殞。徒恃神力，但爲其客；成就破亂，由汝心中五陰主人。主人若迷，客得其便。當處禪那。覺悟無惑，則彼魔事無奈汝何。陰銷入明，則彼群邪感受幽氣，明能破暗

，近自銷殞。如何敢留。擾亂禪定？

○二誠迷則成失

若不明悟。被陰所迷，則汝阿難必爲魔子。成就魔人。如魔登伽。殊爲眇劣，彼唯咒汝破佛律儀，八萬行中祇毀一戒。心清淨故。尙未淪溺。此乃隳汝寶覺全身，如宰臣家忽逢籍沒，宛轉零落。無可哀救。

○二別明境發之相分五

○一明色陰境分三

○二總示陰相分四

○三牒示圓通正行

戊二 歷陰境總明妄想
爲本母歎自心而
入邪岐分五
己一 色陰禪境魔事三分
庚一 總明

阿難當知！汝坐道場，銷落諸念，其念若盡，則諸離念一切精明。動靜不移，憶忘如一，當住此處入三摩提。

◎二正示色陰區宇

如明目人處大幽暗，精性妙淨心未發光，此則名爲色陰區宇。

◎二懸示色陰盡相

若目明朗，十方洞開，無復幽黯，名色陰盡，是人則能超

越劫濁。

◎四結示本惟妄想

觀其所由，堅固妄想以爲其本。

◎二別明發相分

庚一 詳辨

◎一精明外溢身能出礙

阿難！當在此中精研妙明，四大不織，少選之間，身能出礙。此名精明流溢前境。斯但功用暫得如是，非爲聖證。不作聖心，名善境界；若作聖解，即受群邪。

◎二精明內溢拾出蟻蛔

阿難！復以此心精研妙明，其身內徹。是人忽然於其身內拾出蟻蛔，身相宛然亦無傷毀。此名精明流溢形體。斯但精行暫得如是，非爲聖證。不作聖心，名善境界；若作聖

解，即受群邪。

◎二精魄合離空中聞法

又以此心內外精研，其時魂魄意志精神，除執受身，餘皆涉入。互爲賓主。忽於空中聞說法聲，或聞十方同敷密義。此名精魄遞相離合，成就善種。暫得如是，非爲聖證。不作聖心，名善境界；若作聖解，即受群邪。

◎四心魂染悟見佛踞臺

又以此心澄露皎徹，內光發明，十方徧作闔浮檀色，一切種類化爲如來。於時忽見毘盧遮那踞天光臺，千佛圍繞，百億國土及與蓮華，俱時出現。此名心魂靈悟所染，心光研明，照諸世界。暫得如是，非爲聖證。不作聖心，名善境界；若作聖解，即受群邪。

◎五精明逼現空成寶色

又以此心精研妙明，觀察不停，抑按降伏，制止超越。於時忽然十方虛空成七寶色或百寶色，同時徧滿，不相留礙，青黃赤白各各純現。此名抑按功力逾分。暫得如是，非爲聖證。不作聖心，名善境界；若作聖解，即受群邪。

◎六心見密澄暗室覩物

又以此心研究澄澈，精光不亂。忽於夜半在暗室內見種種物，不殊白晝，而暗室物亦不除滅。此名心細，密澄其見，所視洞幽。暫得如是，非爲聖證。不作聖心，名善境界；若作聖解，即受群邪。

◎七塵併入純燒研無礙

又以此心圓入虛融，四體忽然同於草木，火燒刀斫，會無

所覺。又則火光不能燒爇，縱割其肉，猶如削木。此名塵併，排四大性，一向入純。暫得如是，非爲聖證。不作聖心，名善境界；若作聖解，即受群邪。

㊂八種想化現偏見諸界

又以此心成就清淨，淨心功極，忽見大地十方山河皆成佛國，具足七寶，光明徧滿。又見恒沙諸佛如來徧滿空界，樓殿華麗。下見地獄，上觀天宮，得無障礙。此名欣厭，想日深，想久化成。非爲聖證。不作聖心，名善境界；若作聖解，即受群邪。

㊃九逼心飛出夜見遠方

又以此心研究深遠，忽於中夜遙見遠方市井街巷，親族眷屬，或聞其語。此名迫心逼極飛出，故多隔見。非爲聖證

。不作聖心，名善境界；若作聖解，即受群邪。

㊄十邪心合魅妄見妄說

又以此心研究精極，見善知識形體變移，少選無端種種遷改。此名邪心合受魑魅，或遭天魔入其心腹，無端說法通達妙義。非爲聖證。不作聖心，魔事銷歇；若作聖解，即受群邪。

㊅二結過勸示

庚二 結誠

阿難！如是十種禪那現境，皆是色陰用心交互。故現斯事。衆生頑迷，不自忖量，逢此因緣，迷不自識，謂言登聖。大妄語成，墮無間獄。汝等當依。如來滅後於末法中宣示斯義！無令天魔得其方便！保持覆護，成無上道。

◎二明受陰境分三

己二 受陰禪境魔事三分

○一總示陰相分四

庚一 總明

○一結前色陰盡相

阿難！彼善男子。修三摩提奢摩他中色陰盡者，見諸佛心。
•如明鏡中顯現其像。

○二正示受陰區宇

若有所得而未能用，猶如墮人。手足宛然見聞不惑。心觸客邪而不能動。此則名爲受陰區宇。

○三懸示受陰盡相

若覩答歇，其心離身。返觀其面，去住自由。無復留礙，
名受陰盡。是人則能超越見濁。

○四結示本惟妄想

觀其所由，虛明妄想以爲其本。

○一別明發相分十

庚二 詳辨

○一過抑生悲

阿難！彼善男子。當在此中得大光耀，其心發明。內抑過分，忽於其處發無窮悲。如是乃至觀見蚊蟲。猶如赤子，
心生憐愍。不覺流淚。此名功用抑摧過越。悟則無咎，非
爲聖證。覺了不迷，久自銷歇。若作聖解，則有悲魔入其
心腑；見人則悲，啼泣無限。失於正受，當從淪墜。

○二感激生勇

阿難！又彼定中諸善男子。見色陰銷受陰明白，勝相現前。
•感激過分，忽於其中生無限勇。其心猛利，志齊諸佛。

謂三僧祇。一念能越。此名功用陵率過越。悟則無咎，非爲聖證。覺了不迷，久自銷歇。若作聖解，則有狂魔入其心腑；見人則誇，我慢無比。其心乃至上不見佛，下不見人。失於正受，當從淪墜。

㊂二智衰成憶

又彼定中諸善男子。見色陰銷受陰明白，前無新證。歸失故居，智力衰微。入中隱地，迴無所見。心中忽然生大枯渴，於一切時沈憶不散，將此以爲勤精進相。此名修心無慧自失。悟則無咎，非爲聖證。若作聖解，則有憶魔入其心腑；旦夕撮心，懸在一處。失於正受，當從淪墜。

㊃四慧勝成劣

又彼定中諸善男子。見色陰銷受陰明白，慧力過定。失於

猛利，以諸勝性懷於心中，自心已疑是盧舍那，得少爲足。此名用心亡失恒審。溺於知見。悟則無咎，非爲聖證。若作聖解，則有下劣易知足魔入其心腑；見人自言我得無上第一義諦。失於正受，當從淪墜。

㊄五失守生憂

又彼定中諸善男子。見色陰銷受陰明白，新證未獲。故心已亡，歷覽二際。自生艱險。於心忽然生無盡憂，如坐鐵牀。如飲毒藥，心不欲活。常求於人令害其命，早取解脫。此名修行失於方便。悟則無咎，非爲聖證。若作聖解，則有一分常憂愁魔入其心腑；手執刀劍。自割其肉。欣其捨壽，或常憂愁。走入山林。不耐見人。失於正受，當從淪墜。

◎ 六慧劣成喜

又彼定中諸善男子。見色陰銷受陰明白，處清淨中心安隱後，忽然自有無限喜生。心中歡悅。不能自止。此名輕安無慧自禁。悟則無咎，非爲聖證。若作聖解，則有一分好喜樂魔入其心腑；見人則笑，於衢路傍自歌自舞，自謂已得無礙解脫。失於正受，當從淪墜。

◎ 七見勝成慢

又彼定中諸善男子。見色陰銷受陰明白，自謂已足，忽有無端大我慢起。如是乃至慢與過慢。及慢過慢。或增上慢。或卑劣慢，一時俱發。心中尙輕十方如來，何況下位聲聞緣覺？此名見勝無慧自救。悟則無咎，非爲聖證。若作聖解，則有一分大我慢魔入其心腑；不禮塔廟，摧毀經像

。謂檀越言：此是金銅或是土木，經是樹葉或是氳華；肉身眞常，不自恭敬，却崇土木，實爲顛倒。其深信者，從其毀碎，埋棄地中，疑誤衆生，入無間獄。失於正受，當從淪墜。

◎ 八輕安自足

又彼定中諸善男子。見色陰銷受陰明白，於精明中圓悟精理，得大隨順。其心忽生無量輕安，已言成聖得大自在。此名因慧獲諸輕清。悟則無咎，非爲聖證。若作聖解，則有一分好輕清魔入其心腑；自謂滿足，更不求進。此等多作無聞比丘，疑誤衆生，墮阿鼻獄。失於正受，當從淪墜。

◎ 九空解成斷

又彼定中諸善男子。見色陰銷受陰明白，於明悟中得虛明性。其中忽然歸向永滅，撥無因果，一向入空，空心現前，乃至心生長斷滅解。悟則無咎，非爲聖證。若作聖解，則有空魔入其心腑；乃謗持戒名爲小乘，菩薩悟空。有何持犯？其人常於信心檀越飲酒噉肉。廣行姪穢，因魔力故，攝其前人不生疑謗。鬼心久入，或食屎尿與酒肉等。一種俱空，破佛律儀，誤入人罪。失於正受，當從淪墜。

◎十愛極成貪

又彼定中諸善男子。見色陰銷受陰明白，味其虛明深入心骨，其心忽有無限愛生，愛極發狂。便爲貪欲。此名定境安順入心，無慧自持，誤入諸欲。悟則無咎，非爲聖證。若作聖解，則有欲魔入其心腑；一向說欲爲菩提道，化諸

白衣平等行欲，其行姪者名持法子。神鬼力故，於末世中，攝其凡愚其數至百，如是乃至一百二百或五六百，多滿千萬。魔心生厭，離其身體；威德既無，陷於王難。疑誤衆生，入無間獄。失於正受，當從淪墜。

◎二結過勸示

庚三 結誠

阿難！如是十種禪那現境，皆是受陰用心交互故現斯事。衆生頑迷，不自忖量，逢此因緣，迷不自識。謂言登聖，大妄語成，墮無間獄。汝等亦當將如來語，於我滅後傳示末法，偏令衆生開悟斯義，無令天魔得其方便。保持覆護，成無上道。

◎二明想陰境分三

己三 想陰禪境魔事

◎一總示陰相分四

庚一 總明

㊭ 一結前受陰盡相

阿難！彼善男子修三摩提受陰盡者，雖未漏盡，心離其形如鳥出籠。已能成就；從是凡身。上歷菩薩六十聖位。得意生身，隨往無礙。

㊮ 二正示想陰區宇

譬如有人熟寐寢言，是人雖則無別所知，其言已成音韻倫次，令不寐者咸悟其語。此則名爲想陰區宇。

㊯ 三懸不想陰盡相

若動念盡。浮想銷除，於覺明心如去塵垢，一倫生死。首尾圓照，名想陰盡。是人則能超煩惱濁。

㊰ 四結示本惟妄想

觀其所由，融通妄想以爲其本。

㊱ 一別明發相分十

庚一 詳辨

㊲ 一貪善巧想

阿難！彼善男子受陰虛妙。不遭邪慮。圓定發明，三摩地中心愛圓明，銳其精思貪求善巧。爾時天魔候得其便，飛精附人，口說經法。其人不覺是其魔著，自言謂得無上涅槃；來彼求巧善男子處，敷座說法。其形斯須或作比丘令彼人見，或爲帝釋或爲婦女或比丘尼，或寢暗室身有光明。是人愚迷，惑爲菩薩；信其教化，搖蕩其心；破佛律儀，潛行貪欲。口中好言災祥變異，或言如來某處出世，或言劫火或說刀兵。恐怖於人，令其家資無故耗散。此名怪鬼年老成魔，惱亂是人。厭足心生，去彼人體，弟子與師俱陷王難。汝當先覺，不入輪迴。迷惑不知，墮無間獄。

㊂二貪經歷想

阿難！又善男子受陰虛妙・不遭邪慮・圓定發明，三摩地中心愛遊蕩，飛其精思・貪求經歷。爾時天魔候得其便，飛精附人，口說經法。其人亦不覺知魔著，亦言自得無上涅槃；來彼求遊善男子處，敷座說法。自形無變。其聽法者，忽自見身坐寶蓮華，全體化成紫金光聚；一衆聽人各各如是，得未曾有。是人愚迷，惑爲菩薩，姪逸其心，破佛律儀，潛行貪欲。口中好言諸佛應世，某處某人當是某佛化身來此。某人即是某菩薩等，來化人間。其人見故，心生傾渴，邪見密興，種智銷滅。此名魅鬼年老成魔，惱亂是人。厭足心生，去彼人體。弟子與師俱陷王難。汝當先覺，不入輪迴。迷惑不知，墮無間獄。

㊂二貪契合想

又善男子受陰虛妙・不遭邪慮・圓定發明，三摩地中心愛緣滌，澄其精思・貪求契合。爾時天魔候得其便，飛精附人，口說經法。其人實不覺知魔著，亦言自得無上涅槃；來彼求合善男子處，敷座說法。其形及彼聽法之人，外無遷變。令其聽者未聞法前心自開悟，念念移易。或得宿命，或有他心，或見地獄，或知人間好惡諸事，或口說偈，或自誦經，各各歡娛得未曾有。是人愚迷，惑爲菩薩，緣愛其心，破佛律儀，潛行貪欲。口中好言佛有大小，某佛先佛・某佛後佛，其中亦有真佛假佛・男佛女佛。菩薩亦然。其人見故，洗滌本心，易入邪悟。此名魅鬼年老成魔，惱亂是人。厭足心生，去彼人體。弟子與師俱陷王難。

汝當先覺，不入輪迴。迷惑不知，墮無間獄。

◎四貪辨析想

又善男子受陰虛妙・不遭邪慮・圓定發明・三摩地中心愛根本窮覽物化性之終始・精爽其心・貪求辨析。爾時天魔候得其便・飛精附人・口說經法。其人先不覺知魔著・亦言自得無上涅槃・來彼求元善男子處・敷座說法。身有威神摧伏求者・令其座下雖未聞法自然心伏。是諸人等・將佛涅槃菩提法身・即是現前我肉身上・父父子子遞代相生・即是法身常住不絕。都指現在即爲佛國・無別淨居及金色相。其人信受・亡失先心・身命歸依・得未曾有。是等愚迷・惑爲菩薩・推究其心・破佛律儀・潛行貪欲。口中好言耳鼻舌皆爲淨土・男女二根即是菩提涅槃真處。彼

無知者信是穢言。此名蠱毒魔勝惡鬼年老成魔・惱亂是人。厭足心生・去彼人體。弟子與師俱陷王難。汝當先覺・不入輪迴。迷惑不知・墮無間獄。

◎五貪冥感想

又善男子受陰虛妙・不遭邪慮・圓定發明・三摩地中心愛懸應・周流精研・貪求冥感。爾時天魔候得其便・飛精附人・口說經法。其人原不覺知魔著・亦言自得無上涅槃・來彼求應善男子處・敷座說法。能令聽衆暫見其身如百千歲・心生愛染・不能捨離・身爲奴僕・四事供養・不覺疲勞。各各令其座下人心・知是先師本善知識・別生法愛・粘如膠漆・得未曾有。是人愚迷・惑爲菩薩・親近其心・破佛律儀・潛行貪欲。口中好言我於前世於某生中先度某

人，當時是我妻妾兄弟，今來相度，與汝相隨歸某世界。供養某佛。或言別有大光明天，佛於中住，一切如來所休居地。彼無知者信是虛誑，遺失本心。此名癡鬼年老成魔，惱亂是人。厭足心生，去彼人體。弟子與師俱陷王難。汝當先覺，不入輪迴。迷惑不知，墮無間獄。

◎六貪靜謐想應作貪宿命想

又善男子受陰虛妙。不遭邪慮。圓定發明，三摩地中心愛深入，克己辛勤，樂處陰寂。貪求靜謐。爾時天魔候得其便，飛精附人，口說經法。其人本不覺知魔著，亦言自得無上涅槃；來彼求陰善男子處，敷座說法。令其聽人各知本業。或於其處語一人言，汝今未死。已作畜生。敕使一人於後踢尾，頓令其人起不能得。於是一衆傾心欽伏。有

人起心，已知其肇。佛律儀外，重加精苦。誹謗比丘，罵詈徒衆，訐露人事不避譏嫌。口中好言未然禍福；及至其時，毫髮無失。此大力鬼年老成魔，惱亂是人。厭足心生，去彼人體。弟子與師俱陷王難。汝當先覺，不入輪迴。迷惑不知，墮無間獄。

◎七貪宿命想應作貪靜謐想

又善男子受陰虛妙。不遭邪慮。圓定發明，三摩地中心愛知見，勤苦研尋。貪求宿命。爾時天魔候得其便，飛精附人，口說經法。其人殊不覺知魔著，亦言自得無上涅槃；來彼求知善男子處，敷座說法。是人無端於說法處得大寶珠；其魔或時化爲畜生。口銜其珠及雜珍寶簡冊符牘諸奇異物，先授彼人。後著其體。或誘聽人藏於地下，有明月

珠照耀其處。是諸聽者得未曾有。多食葥草，不餐嘉饌；或時日餐一麻一麥。其形肥充，魔力持故。誹謗比丘，罵詈徒衆，不避譏嫌。口中好言他方寶藏，十方聖賢潛匿之處，隨其後者往往見有奇異之人。此名山林土地城隍川嶽鬼神年老成魔。或有宣姪破佛戒律。與承事者潛行五欲，或有精進純食草木。無定行事，惱亂是人。厭足心生，去彼人體。弟子與師俱陷王難。汝當先覺，不入輪迴。迷惑不知，墮無間獄。

⑨ 八貪神通想

又善男子受陰虛妙。不遭邪慮。圓定發明，三摩地中心愛神通。種種變化，研究化元。貪取神力。爾時天魔候得其便，飛精附人，口說經法。其人誠不覺知魔著，亦言自得

無上涅槃，來彼求通善男子處，敷座說法。是人或復手執火光，手撮其光分於所聽四衆頭上，是諸聽人頂上火光皆長數尺，亦無熱性，曾不焚燒。或水上行，如履平地，或於空中安坐不動，或入餅內。或處囊中，越牖透垣。曾無障礙。唯於刀兵不得自在。自言是佛，身著白衣受比丘禮。誹謗禪律，罵詈徒衆。訐露人事，不避譏嫌。口中常說神通自在，或復令人傍見佛土。鬼力惑人，非有真實。讚歎行姪，不毀麤行，將諸猥媠以爲傳法。此名天地大力山精海精風精河精土精一切草木積劫精魅。或復龍魅或壽終仙再活爲魅或仙期終計年應死其形不化他怪所附。年老成魔，惱亂是人。厭足心生，去彼人體。弟子與師多陷王難。汝當先覺，不入輪迴。迷惑不知，墮無間獄。

◎ 九貪深空想

又善男子受陰虛妙。不遭邪慮。圓定發明。三摩地中心愛入滅。研究化性。貪求深空。爾時天魔候得其便。飛精附人。口說經法。其人終不覺知魔著。亦言自得無上涅槃。來彼求空善男子處。敷座說法。於大眾內其形忽空。衆無所見。還從虛空突然而出。存沒自在。或現其身洞如瑠璃。或垂手足作旃檀氣。或大小便如厚石蜜。詐毀戒律。輕賤出家。口中常說無因無果。一死永滅。無復後身及諸凡聖。雖得空寂。潛行貪欲。受其欲者。亦得空心。撥無因果。此名日月薄蝕精氣。金玉芝草麟鳳龜鶴經千萬年不死爲靈出生國土。年老成魔。惱亂是人。厭足心生。去彼人體。弟子與師多陷王難。汝當先覺。不入輪迴。迷惑不知

，墮無間獄。

◎ 十貪長壽想

又善男子受陰虛妙。不遭邪慮。圓定發明。三摩地中心愛長壽。辛苦研幾。貪求永歲。棄分段生。頓希變易細相當住。爾時天魔候得其便。飛精附人。口說經法。其人竟不覺知魔著。亦言自得無上涅槃。來彼求生善男子處。敷座說法。好言他方往還無滯。或經萬里。瞬息再來。皆於彼方取得其物。或於一處在一宅中數步之間。令其從東詣至西壁。是人急行。累年不到。因此心信。疑佛現前。口中常說十方衆生皆是吾子。我生諸佛。我出世界。我是元佛。出世自然。不因修得。此名住世自在天魔。使其眷屬如遮文茶及四天王毘舍童子未發心者。利其虛明。食彼精氣

。或不因師，其修行人親自觀見，稱執金剛與汝長命，現美女身盛行貪欲。未逾年歲，肝腦枯竭。口兼獨言，聽若妖魅。前人未詳，多陷王難。未及遇刑，先已乾死。惱亂彼人，以致殂殞。汝當先覺，不入輪迴。迷惑不知，墮無間獄。

◎二結過勸示分一

庚二 結誠

◎一結十魔過惡

阿難當知！是十種魔，於末世時在我法中出家修道，或附人體。或自現形，皆言已成正偏知覺。讚歎婬欲，破佛律儀。先惡魔師與魔弟子姪姪相傳，如是邪精魅其心腑，近則九生。多踰百世，令眞修行總爲魔眷。命終之後必爲魔民，失正偏知。墮無間獄。汝今未須先取寂滅！縱得無學

，留願入彼末法之中，起大慈悲。救度正心深信衆生，令不著魔。得正知見。我今度汝已出生死，汝遵佛語，名報佛恩。

◎二結想陰所招

阿難！如是十種禪那現境，皆是想陰用心交互故現斯事。衆生頑迷。不自忖量，逢此因緣。迷不自識，謂言登聖。大妄語成，墮無間獄。汝等必須將如來語，於我滅後傳示末法，偏令衆生開悟斯義，無令天魔得其方便。保持覆護，成無上道。

大佛頂首楞嚴經 卷九